

特 告

### 社員失業賦閒之佈告

公啓者。社章第十七條內載。凡屬社員皆有互相維繫之義務。茲社員盧君拔茹於月前失業至今。仍未有相當之位置。查盧君前在佛山職富銀號行街。于商場才藝素嫻。凡我同人。如有位置相當者。務請竭力推荐。各祈守定互相維繫宗旨為幸。

### 下期担任撰述之預告

### 注 意

社 聞	社 說	雜 錄	微 言	詩 歌	小 說	圖 畫	商 業 調 查
何貫俠	李笑演 吳農武	謝鈞彝	蒲礎伯	楊敏達	潘貞廉	吳洽溥	同人擔任

### 總編輯譚璣 副編輯謝鈞彝黃鏡泉

### 抽得均益會之佈告

再啓者。本社所理均益會。定例每月第一星期開抽。茲月之初三日已屆第九會期。當日在座者未及五人。與原定章程不符。故改由第二星期開抽。謹遵定章。已于月之初九開抽。當日抽得者為崗字號。查崗字號乃陳君錫如所投者。應照登書通請陳君。將會票繳交本社會計。取回會本五元。作為完會可也。此佈

### 請同人量情致送奠儀于郭君之佈告

再啓者。同人郭君靜池仙遊。曾遍請省地同人會議恤助一節。經于月之初五日開特別會

十一月初十日出版第六十五期

(一一)

議。公決由本社付函哀啟。請各處同人量情致送奠儀。限十一月內寄交本社會所代收。彙齊轉送郭君府第。日後統照代爲登書鳴謝。以誌不忘。此佈。

社長謹白

## 何貫俠徵集社聞佈告書

社書之設。首重社聞。次爲社說商業調查等類。故出版以來。咸于此著意。至辦法之良窳。著作之美惡。久在同人洞鑒之中。茲不多述。其中職守每年必選員担任。事屬至妥。奈以各各放棄。因而出版愆期。印刷亦不無延緩。故本年七月間再行分門別類。復舉專員担任之所由來也。而社聞一門獨缺之。披閱前期社書特告。有委鄙人担任社聞之佈告。自愧剪陋無才。見聞有限。本難勝任。回憶社書自發刊以來。編輯社聞向爲呂君襄武担任。自呂君去年六月應鶴山商務分會之聘。社聞一欄。去年六月迄今。多由鄙人經理起草。交由總編輯發正登錄。當日担任不過一時權宜勉盡其難。誠以城外耳目較週。同人書函往來頗密。不無聞見。久而久之。遂成爲無担任之名。有担任之實。及今總編輯不以鄙人學淺寡聞見棄。自當盡乃厥職。然言詞之凌亂。筆墨之模糊。非所計也。此後無論何處。凡有關於社事者。敢請該處同人或作爲新聞體例。或上書著論。郵寄鄙人（交登龍街穗興銀號何貫俠）自當代爲編正登書。凡我同人。務須各抒所聞。以資廣見。切勿效金人之三緘其口。鄙人不勝翹企之至。

担任社聞撰述員何聯才謹白

## 社聞

●本社特別會議紀聞 月之初五日。爲佛山同人郭君靜池仙遊開特別會議。經預日由正社長遍發省地同人傳單。邀請到社研究。是日到者頗衆即將提議事項錄下。（一議現據佛山調查員凌君清臣報稱。旅潭同人郭君靜池不幸于月之初二云亡。家內蕭條。祇留孤兒。

年僅四歲。實堪可憐等語。查本社定章。凡屬同人皆有互相維繫之義務。郭君嗣子雖經吳君洽溥担任允爲撫育。然來日方長。我省内同人未可聽其獨任。究應如何恤助之處請衆議。決議如下衆議應由本社付函哀啟。亟請各處同人量情致送奠儀。限十一月內寄交本社會所。彙齊轉送郭君府第。下日登書佈告以表哀思。而厚盛情。

●十月廿六例會情形 十月廿六星期日。爲本社例會期。是日到者。有陳君伯宏。何君漸達。何君貫俠。朱君典五。陳君草澤。蔡君福三。徐君焯南。范君鳴石。是日并無可議之事。先後叙談而散。

●十一月初三例會情形 月之初三星期日。爲本社例會期。是日到者。有潘君貞廉。蒲君礎伯。何君貫俠。陳君伯宏。勞君翠若。何君少海。是日何君貫俠提議一條。（一議現據各處同人來書稱謂。本社同人表乃社員交通機關。萬難久缺。所以遲遲未頒者。究屬何因等情。查同人表頒發之延緩。由于印刷担擱有以使然。應如何促承印者限日刊就頒發之處。請衆議。）決議如下。（衆議在座者未及五人。照章不能表決。留待下期再議。）

●預交基本金二十一誌 茲李君笑演。已將三四五期基本金預交會計。發回完全社員收條矣。餘未交者。豈未之聞乎。

●第九次開抽均益會紀事 月之初三星期例會。乃開抽均益期。是日在座者未及五人。照章不能開抽。故改由第二星期再抽。當日舉定朱君典五爲抽籤公正人。抽得者爲崗字號。查崗字號乃陳君錫如所投者。已照章另登特告。請陳君到本社會計處討回會本矣。

●十一月初十例會情形 月之初十星期日。爲本社例會期。是日到者。有鄧君殿香。何君貫俠。朱君典五。劉君伯照。何君幹余。范君鳴石。是日何君貫俠重提前議一條。（一議疊據各處同人來書。稱謂本社同人表乃社員交通機關。萬難久缺。所以遲遲未頒者究屬何

因等情。查同人表頒發之延緩。由于印刷担擱有以使然。應如何促承印者限日刊就頒發之處。請衆議。決議如下。(衆議應請何君少海隨速刊就。下期隨同社書附寄。以屬交通。)

●人社五十一誌 茲盧君蓮舫。介紹黃君璧成。(年卅七歲、順德桑麻鄉人、寓廣西長安什字街廣隆興內衛和銀號、郵寄全。)入社。又介紹麥君鴻年。(別字舒齡、年十七歲、南海冲霞鄉人、寓廣西長安十字街啟利源平碼行、郵寄全。)入社。又介紹潘君達昌。(別字植芝、年四十二歲、南海大滙鄉人、寓廣西長安大碼頭和興昌雜貨行、郵寄全。)入社。又鄧君秀枝。介紹唐君松盛。(別字少如、年廿六歲、三水白泥鄉人、寓佛山豐勝街永祥新衣號郵寄全。)入社。均經調查清楚。社長認可。已照章先交第一期基本金矣。

●商務維持報可望必成矣 同人創辦商務維持報。爲本社謀發達。社內外認股均形踴躍。數誌前書。現續聞創辦人調查社員招股情形。多有担任認招過佰份云。惟俟月內方將股冊繳呈。故認股人名。亦統俟下期方一并佈告云。諒一般熱心社事之同志。當亦共相慶祝也。

●担認月捐本社經費十九誌 茲黃君璧成。麥君舒齡。潘君植芝。各認捐本年經費銀二元。唐君少如。認捐本年經費銀壹元云。如各君者。洵熱心矣哉。

●預交本社經費十四誌 茲蒲君礎伯。蒲君贊武。黃君璧成。麥君舒齡。潘君植芝。甘君長甫。周君寅初。何君貫俠。唐君少如。各已將認定經費如數請交矣。餘未交者。盍請早交乎。

●映交相片四十二誌 茲蔡君福三。楊君麗生。各已遵章將相片交懸會所矣。餘未交者。盍速人認識乎。

●已領徵驗章十三誌（蔡福三十四號）（勞翠若七十三號）餘未領者。請到會所領取可也。

●領徵驗章備回價值者十二誌 茲蔡君福三。勞君翠若。各助回銀三毫云。

●長安調查員已請賴君担任矣 廣西柳州長安。商業素稱繁盛。同人商諸埠者。拾有餘人。照章應由社長派一調查。以符原議。茲社長已派定賴君用廷為該處調查員云。

●社員郵寄易址誌聞 同人林君偉泉。郵寄寓址。則改交南海大力墟得生堂參茸藥號轉交云。各祈自行改易同人表可也。

●本社傳單照錄 公啓者。現據佛山調查員凌君清臣報稱。旅禪同人郭君靜池不幸于本月初二日仙遊。家內蕭條。留下孤兒年僅四齡。實堪可憐等因。查本社定章凡屬同人均有互相維繫之義務。于此悲苦之事尤當代為設法恤助。謹定于月之初五午一打鐘。在本社會所開特別會議。凡我社員務請撥冗到會。以表我社感情為望。云云。

●鶴山沙坪已舉定商業改查區長矣 本社同人。憫商業之不振。痛人心之不羣。因而組織。繼而提倡。迄今已五易寒暑矣。應為各事。久已次第舉行。續漸推廣。而改查商業實為本社最注重之點。經七月大會決定本省則分行。各外鄉鎮埠則分行分區。均聽其自由認定。其大畧情形。久已見之五十七期社書特告。惟自七月至今。各處同人曾經舉定者。未之前聞。改查商業問題。本社無從發出。辦事不無阻碍。茲鶴山沙坪已定陳君雲舫。為該處商業改查區長云。如未經舉定者。各祈留意遵照七月大會議案辦理。幸毋放棄可也。

●本社同人竟被劣紳毆傷 近日籌辦自治。順德桂洲鄉。已由自治籌辦處核明定為中鎮。詎該鄉裏村某大紳。欲把持裏村事務。播弄順德縣將原案翻說。分桂洲為兩鄉。同人楊君敏達。楊君肇文。楊君赤若。及鄉中諸志士。大拘不平。據理上控。督憲遂札飭廣府派委

查勘。于初四日蒞鄉。闔鄉士紳齊集于通鄉聯衛公所。無一主分鄉者。當時某大紳率其黨羽。豫伏匪徒。邀委員往裏村公約。楊君等亦同到陳說桂洲不能分鄉理由。某大紳自知理屈。遂喝令匪徒暴動。委員即被摧倒。楊君肇文亦被毆傷。楊赤若楊敏達二君。隨委員入房匿避。始免被毆。某紳遂乘勢鼓動匪徒。逼挾主成鎮者具結分鄉。始准放行。現楊君肇文已赴縣驗傷。據情上控矣。噫。劣紳之強橫。豈自今日始哉。

(按)劣紳魚肉鄉閭。欺壓平民。實已司空見慣。今竟勾引匪類。辱及上官。從此劣紳恃匪徒爲護符。匪徒得劣紳爲庇縱。地方受害。何堪設想。觀乎此。吾不能不爲立憲之前途憂也。

●正誤 特告內固非一狐之腋句腋誤掖畫題內自茲歐風歐學逼人來句茲誤率

## 社 說

### 論欲振興商業當先去其積弊 (續前)

笑 演

丁此二十世紀之世。商業不興。尤難立國于列強之內。中國雖地大物博。有可振興商業之基。而人民安于窳陋。不求進取。只知固守成法。不事研求。一商店之開設。其百數十年之號稱老字號者。父之誠其子曰。能守其成。俾百年不敗。斯得之矣。子之承其父曰。吾何必過事更張。致敗先人成法也。嗚呼。逆水行舟。不進則退。事業之營謀。安有不圖振作而可以久哉。無論成法之不足以施行之于百年。即時勢亦所有不同而不庸不變通于異日。孟子云。雖有智慧。不如乘勢。誠以時勢造英雄。英雄造時勢。人之具大智能。出而乘時有爲。正以觀變達權。隨機應附。有可爲則垂風破浪。瞬息萬里。不可爲則養晦以待。坐以觀時。不然。死守成法。或有機不乘。則雖有智

者。亦終于無用。徒敗乃事而已。吾中國今日之積弱。亦坐是之故也。然今日極力乘時有爲。施行新政。似畧有可觀。較之從前。已面目改觀矣。而積弱不振。仍前困弱者。以成法過于固守。其積習已深。雖有設施。依然如故。如布之染色。日已久而色已深。一旦欲浣而去之。未有如是之易易也。然急起直追。乘時有爲。未嘗不補救千萬一。其相去祖宗之法不可變之古舊臣當國時已別如烹魚矣。故商業之營謀。尤不可安于鄙陋。不圖振作。蓋商業爲交通之事業。交通之事。一日千里。日新月異。其術不精。不足以立于商陣中。其機不靈。不足以列乎商場內。如戰爭之火器焉。不日事研求。精利其械。誠未易戰勝船堅砲利之列強也。況戰爭之事。自十九世紀以來。商戰之禍。尤劇烈于商戰。英之墟印度。不以兵而以商。可明証也。吾國人日沉醉乎苟安偷樂之中。尙以爲固守舊法之尙足以立國。不求航運之道。不解交通之理。閉關自守。鎖港不開。而不知商戰之禍。已隱伏徧海內。外人以吾人懵然不知權變也。亦以商之禍隱而人難見。遂以英墟印度之故智。欲以商業而敗亡人國。嗚呼。何其酷且烈耶。吾人幸勿以其隱而忽之。須以其隱之難防而求其馭之之術可也。其術爲何。則積習之除去所當亟亟先事籌謀矣。

(仍未完)

## 創辦商務報同人等上全體社員書

貞廉稿

創辦商務報同人等。謹忠告於我同志諸君曰。子輿氏有言。予豈好辯哉。予不得已也。同人等亦曰。予豈好辦報哉。予不得已也。吾請爲諸君告。請諸君爲予聽。吾社困於經濟。待援孔亟。已見於社書著述中。如租項也。管理員工膳金也。候生工膳費也。燈油等活費也。全年因之。需四百餘金。向藉社員輸將。而費用於是乎有託。偷任令長此終古。祇求募捐。不事生活。其涸也可立而待也。此同人等不得已而辦報者一

## 協 羣 商 業 研 究 書

也。夫本社自立案以還。大非昔比。與各界來往之公文。交際之酬酢。固吾社應有事也。然職員雖曰有人。惜東處西居。發一問題。疲於奔命。且牽店冗。不克自由。奚若萃同志於一隅。朝夕共事。而又可爲社僕也。此同人等不得已而辦報者二也。况社章以互相維繫爲宗旨。雖社員人格。全羣高尚。決無買禍之由。第失火城門。池魚殃及。天災嫁禍。吳郡堪虞。至欲判曲直而辨是非。寓春秋之褒貶。是殆現世紀之報紙也。此同人等不得已而辦報者三也。顧社員均有維持本社之義務。亦均享有本社之權利。以現在而言。社員有担任社款之義務。而權利則未之見。夫報也。爲本社之機關。卽爲社員之喉舌。其所享之權利。正未有艾也。此同人等不得已而辦報者四也。以上四端。是同人等愴懷本社。怵社事之瀕亡。迺於前月開會於社址。遂有辦報之舉。擬集股二萬元。招股冊佈告。無可諱言。此誠同人等以蚊負山。不自量力。要亦賴諸君之衆而且賢。不患目的之不達也。夫我同志非所謂負慷慨之名乎哉。昔社書之提議社辦也。月認鉅款。社址之欲建築也。捐借並行。聞者豔稱之。是則我諸君最能急公。最能好義。同人等力薄。諸君之力不薄。同人等力疲。諸君之力不疲。此非同人等過爲獎譽。要亦我諸君之寓省寓禪寓港寓桂寓各埠者。平日之無一而非急公好義。痛社款之奇絀。社事之危亡。決不忍以維持社之商務報而掉頭不顧也。先民有言。泰山不讓土壤。故能成其大。河海不擇細流。故能就其深。我諸君誠各各捧俠心。撐俠骨。能一股者一之。能五股者五之。能十股者十之。其他之強有力者。則百焉千焉。多而益善焉。固不特二萬員之報股不日可成。即本社之土貨陳列所。消售場。商業學堂。亦指顧間事矣。况寬以來正收股乎。若乃羣然舍之。聽斯報之成與不成。以爲此無與我事。是斯報之一蹶不振。同人等固罪無可逃。而諸君之缺乏公益心。實無可辭。

咎也。嗚呼諸君。一念吾社欺孔亟若何。再念吾社事成績又若何。有不交相勸勉。爭先恐後以認報股者乎。且認股一事。以廣義言之。維持報即所以維持社。報成則本社轉危爲安也。以狹義言之。勝於積金錢。置田產。爲子孫謀久長計也。一分之息。週年無恙也。徑尺之紙。輕而易齎也。而況其將來所獲之贏利。之不可計算也。同人等殫厥棉力。既已各有所獻。傳曰。人之欲善誰不如我。嗚呼諸君。其各眷念本社。涓滴涓滴。踴躍認股。濟、則社之福也。同人等之慶也。抑亦諸君之光也。不濟、同人等因貽羞外人。而諸君與本社之名譽。亦不無影響也。傳曰。惟楚有材。晉實用之。詩云。招招舟子。人涉叩否。人涉叩否。叩須我友。是即借外力而認報股之殷鑒也。亦同人等所期望於我同志諸君也。願諸君其垂鑒。

### 悲慘哉四齡之孤子

敏 達

### 勇俠哉佛山之同人

### 慚愧哉絕無感情之社員

本社之發現于世界上也。胡爲乎。論者曰。中國今日之商業。窳敗極矣。非實力研究。恐無以占優勝。非結社研究。更恐無以收實效。商業不興。國隨以亡。本社之發起。欲于商業上救國耳。嗚呼。謂此言爲無當。則本社何必以研究商業命名。然謂祇研究商業。便足盡社員之責任。則萬死而不敢一應者也。何也。本社之于研究商業。非本也。末也。狂哉敏乎。處今日時代。猶以研究商業爲末務乎。不知此在中國而言。則誠根本。在本社而言。返是末務。鄙人請申其義。夫社會之組織。必有其主要。主要者。即該社會之根本物也。吾粵研究會社亦多矣。自治研究社。醫學研究社。法學

研究會。機器同業研究會。聯保火險研究會。是均以研究命名。其主要似可與本社同一比例。而孰知本社研究商業以外。有一種最重要之問題在乎。故本社不曰商業研究社。而必曰協羣商業研究社。入社首查人格。所以使其易于維持也。社員最重感情。所以使其互相聯絡也。維持與聯絡者何。亦不外協羣而已。協羣者其本社之本乎。徒知研究商業。而不知協羣。是舍本以求末矣。猶太人最善經商。全球所許。而卒也。見亡于俄。嗚呼。同人之于協羣心不可須臾離也。于此可鑒。于此可鑒。

今日協羣社之社員。謂其全有協羣心也。余不敢置一詞。謂其全無協羣心也。余又不敢置一詞。然觀近日郭君靜池之染病。之身故。之身故後。就事論事。余存于佛山之同人。良有足多者。郭君病時。梁君威如對余言其畧。郭君故後。何君少海對余道其詳。遂因此而得函郭君家庭上之穩穩歷史。余始而疑。繼而悲。終乃大喜。蓋本社之所以被外界詆毀有協羣之名。無協羣之實者。從此可以大白于天下矣。(未完)

### 商業調查

## 建造生意之澎漲

少海

建造生意。聞該三行中人云及近年生意之澎漲。比上五年生意。實十倍有奇。并獲利之大。尤非前時所可望及。惟虧本之巨。亦前所未聞者。今行中一年必有數家倒閉逃去。而藉以興業者年中亦屬不少云。

(嘯海按)建造生意。其集本甚輕。惟年中獲利。恆為各行所羨。考其原因。實該行生意。并無貨底。一有大股生意。便向磚瓦灰杉各店酌量。求其過信。各店亦利其利。遂至以一百十金之建造店。而承造工程竟至十數萬者。而近來店舖。每好西式

。多用于泥塗。磚石甚少。表面上觀之。工程甚大。其實獲利已比華式者。有天淵之隔。既無本息。又鮮真工。此其所以恆多獲利者也。然再考其失敗之原因。顯有二端。近來該行生意。以政界爲最多。惟政界之腐敗。非錢不行。故一般之運動當場者。輒設立公司。互相爭承。遂有九折八折。先一後一之暗話。(先一後一者即如有一萬銀工程欲託某委員爲之運動先送禮金一百如已承得便即送後禮一千)故生意承價雖高。而其中雜費。已用不少。此其一也。況該局內各委員。因互相託情。彼得此失。必生意見。如甲委員承得。則乙委員必欲得破壞而甘心。將來工程稍有不整。或時日不依。乙委員必乘機向上台唆惠。遂有減價押人之慘劇。而各磚木石店。見此情況。必靳而不予材料。因而時日更延。減價更重。雖欲不逃而不可得。此其二也。以上二端。祇就造官場工程者而言。若專造商界生意。則間有虧本。亦諒不至如是之深受累也。

雜 錄

飛花片片錄

雲 臺

咸豐間。廣州之變。實粵督葉銘森有以召之。城破後。英人挾葉至香港。猶日應洋人索書畫。署名海上蘇武。咸豐八年。英人挾至。印度孟加拉。居之鎮海樓上。猶日賦詩以見志。詩云。(鎮海樓頭月色寒。將星翻作客車單。縱云一范軍中有。怎奈諸君壁上看。向戌何心求免死。蘇卿無恙勸加餐。任他日把丹青繪。恨態愁容下筆難。)又一首云。(零丁洋泊嘆無家。雁札猶存節度衙。海外難尋高士粟。斗邊遠泛使臣槎。心驚躍虎笳聲急。望斷慈烏日影斜。惟有春光依舊返。隔牆紅遍木蘭花。)富葉在印度時。洋官五日

一攝影。分寄香港上海等處。故詩云然。後人爲之語曰。不戰不和。不死不守。不降不走。相臣度量。疆臣抱負。古之所無。今之罕有。蓋反言之也。迨咸豐己未。葉之喪自海外歸。當道於斗姥宮設奠。輓聯極多。而措詞難得體。陳蘭甫有代友輓聯云。(公論在人間。只緣十載舊恩。頻揮涕淚。)(英靈歸海外。想見一腔遺恨。化作波濤。)(語意渾融。

林則徐閩之山斗。以翰林出任封疆。當被謫時。其出嘉峪關賦詩云。(雄關百尺皆天西。萬里征人駐馬蹄。飛閣遙憐秦樹直。繚垣斜壓隴雲低。天山巉削摩肩立。瀚海蒼茫人望迷。誰道殺函千古險。回頭只見一丸泥。)(其二。東西侯尉往來通。博望星槎笑鑿空。塞下傳笳歌刺勒。樓頭倚劍接崆峒。長城飲馬寒宵月。古戍盤腸大漠風。除是盧龍山海險。東南誰比此關雄。)(其三。(敦煌舊使委荒煙。今日陽關古酒泉。不比鴻溝分漢地。全收雁蹟入堯天。威宣義負陳尸後。疆拓匈奴斷臂前。西域若非神武定。如何此地罷阿邊。)(其四。一騎纜過即閉關。中原回首淚潛潛。棄儒人去誰能謝。投筆功成老亦還。奪得臙脂顏色冷。唱殘楊柳鬢毛斑。我來別有征途念。不謂衰齡盼賜環。調格高老。磅礪山河。非腐儒所能道隻字。

張之洞督兩湖時。於大堂自署聯云。(西通巴蜀。南控荆襄。中有九江合流。形勢無雙。楚尾吳頭一都會。)(內修政治。外整兵戎。兼司四裔交涉。師資不遠。林前胡後兩文忠。)(又梁鼎芬守武昌時。其頭門聯云。(燕柳最相思。身別管門二十載。)(楚材必有用。)(教成君子六千人。)(其氣其辭。可想而見。

黃鶴樓圯後。張之洞督鄂時重建之。改爲警鐘樓。左建精室之楹。倚郭臨江。別饒風景。編方撫鄂時。榜一聯云。(我輩復登臨。昔人已乘黃鶴去。)(大江流日夜。此心吾與白鷗盟。)(頗覺蘊藉。(未完)

微言

是期笑演君補撰社說此類故託  
編人担像維錄則由雲台君任之

少海

社章第八條內云。如染有嗜好。辭者退出社。吾初聞之。不覺悚然。既而思之。財不  
知其何所指也。

夫人之嗜好。莫甚于衣食。朝夕奔走。不辭勞苦。衣食使之也。故無衣不足以禦寒。  
無食不足以充饑。豈斯社之所謂具有人格者。不畏饑寒者耶。諒必不然也。此條實作  
無效可矣。想亦當時訂社章之誤耳。某社員之嗜飲嗜吹。無怪其謂莫奈依何。楊君又  
何必孜孜諷告。

詩歌

演齋詩話

笑演著

戒遊子詩

博羅韓女史。家世書香。適新會容氏。于書無所不讀。尤長于為詩。每一詩出。鄉人  
士無不愛誦不去口。以故。凡新會之稍讀書者。皆唧唧稱道之。其戒遊子五古一篇。  
尤膾炙人口。詩云。啼鳥落花天。遊子登程路。高堂有老親。致語頻囑咐。少年初為  
客。異鄉少親故。早行慎風霜。晚濟勿爭渡。反躬苟無愧。履險不驚懼。我心無所憑。  
清香惟一炷。征衣欲密縫。老眼難久注。三月下揚州。煙花最繁處。晝舫與青樓。  
嬌娥不知數。腰纏無十萬。前行莫回顧。猛着祖生鞭。穩踏青雲步。柳汁染衣袍。早  
束行裝具。須念倚門人。桑榆景將暮。遍看長安花。誠恐歸期悞。諄諄金石言。猶慮  
汝違負。書扇即書紳。相對若良傳。案此詩為女史于其子北上時。書之扇以戒其行者

○曲盡慈母愛子之情。○諄戒遊子出門之道。○吾輩經商异地者。○尤當奉為圭臬者也。○

### 悼韓亡 (七絕四首)

鈞 彝

頽宮自昔唱銅駝。吞併風雲近且多。振臂疾呼韓已矣。以韓藩者待如何。○  
夢松猶自笑韓皇。上下交征利若狂。民自為民國自國。私肥畢竟亦偕亡。○  
料韓亡不自今茲。果敗悲因見已遲。黑惡波濤撼大陸。及時行樂豈其時。○  
一進功成國祚灰。如斯民氣劇堪哀。斧柯奪去空流血。翻惹豺狼緊逐來。○

鈞彝曰。庚戌之秋。天日黯淡。一片黑雲。霾蔽東亞之東北。風有聲禁不使播。鶴欲唳禁不使張。噫嘻。此何時耶。此蓋日本併合朝鮮之盛會。即箕聖二千年國祚亡辰。又為中國五百年附庸失恃之紀念也。國亡之後。一般君主民臣。位置若何自由與否。固已狀不忍觀。言不欲聽。然未有如韓之留學日本者。每一學生。制以偵探一人之為最慘毒。不死固無所。即欲死亦未見其得所也。吁。亡國之民。哀不勝哀。未亡而將亡之國之民。懼乎不懼。○

### 小 說

#### 商 騙 小 說 謀 質 店

礎 伯

光緒甲辰。遞至於今。鬚鬢寒暑。不覺七易。時余在蒙塾。年未舞勺。教育有缺。事理弗知。閱歲至今。適聞余親梁某。偶爾道及一事。余聆既畢。竊思可為商騙小說。頗可撰入。乃反覆請問。得悉其詳。遂筆於斯。○

羊石之上。南關之中。東橫大街。有永興質店焉。於光緒甲辰。商務凋零。一落千丈。

針數（即掛數）蓋繁。維持者寡。店內各東。目擊此况。有如山河破碎。恨無恢復之能。赤壁焚燒。致起疏虞之嘆。於是各東相議。咸以維持乏術。與其仰屋而嗟。太息運途之窮困。孰若募客召頂。得回血本之渣滓乎。遂決意召頂。而店門之首。止當候贖之字樣出焉。

周某。年近耳順。所謂老成厚重者。曾與余族阿甲作伴數年。情意頗洽。而周某質店中人。省中質店有無召頂。耳目周詳。得知永興召頂。并聞阿甲有意欲斟。一日。尋晤阿甲。適與阿甲遇談途。遇地為阿甲舖隔衢。阿甲以當街不便暢談。且去舖不遠。遂南轅北轍。握周某手回己舖。既入門。茶烟後。周某曰。今東橫街永興召頂。想已知之。聞老哥有意欲斟。然耶否耶。阿甲曰不誣矣。周某曰。擬欲全東乎。阿甲曰。惟本未逮也。周某曰。然則擬台股乎。阿甲曰。未得其人歟。有財東踴貼乎。周某曰。踴貼之言。何謙乃爾。真所謂謙謙君子。卑以自躬也。隨言適有友人黃某。云有東主擬謀永興。請為效力介紹可乎。阿甲曰。正苦無人作伴。有此最美時機。感煩約至敝舖則幸甚。周某曰。是不難也。期以明日可乎。遂相別而去。

翌日。東方既白。鐘鳴七句。周某偕黃某至矣。阿甲既晤黃某。接以客禮。周旋既畢。促膝並談曰。老哥有貴東擬謀永興乎。黃某曰。弟有友人楊某。有一東人姓梁氏。實擬謀耳。弟於數日。適有賤冗。未能告暇。但欲踐周兄與閣下所約。故特來領教。若越數天。賤冗停妥。儘可效力介紹。周某曰。黃世兄（周某子曾受業於黃某之父。故稱世兄。）現目既有貴幹。越數天未晚也。僕料永興未必能成事之速。阿甲曰。既有東家踴貼。容日何妨。周某曰。彼此通融。最易着手。黃遂別阿甲。（未完）

商業

不曉國語竟累起全副身家（二續）

少海

（未完）

一日劉因問黃道。兄弟現在有點兒要緊的事兒。需用甚急。僱們的工程亦將完竣。獲

利已有預算了。可支四百塊錢給兄弟應用呢。黃道。你無咁多人工呀。劉不覺愕然道。這怎麼講。怎麼說我支人工呢。僱們不講過四六的打算嘛。黃道。邊個同你講過四六嘅打算呀。呢次工程。人工材料都係我嘅。你又喺處食。至多支你一份雙料工錢就算便宜阻你喇。劉乃忿然作色道。這明明當面講過的嘛。怎麼你說這個話呢。那工程材料雖然是你的。當時如果有我。你向那兒找這路去呢。怎麼工成了。就反臉認不得人了。我勸你罷。你們還有見面的日子呢。就全讓給你。就成了大富了。怎麼不講理呢。那個成嗎。黃道。好喇好喇。算送你一百文。要吾要咁就隨你喇。劉拍案道。不分給四成。也都要分給三成。若是這一百塊錢嘛。誰要你的。個大王入。黃道。你唔要。我嫌銀腥咩。工程就完咯。重怕你抵制我咩。我都無咁好氣同你嘈呢。劉大怒出門。

(仍未完)

